


Ley di medio ambiente ta importante

Estudiante Arubiano cu proyecto positivo pa nos medio ambiente



ORANJESTAD (AAN): Jeremy Croes ta un hoben cu a bay studia 14 aña pasa na Hulanda y a termina cu su estudio cu e tabata deseya. Actualmente Jeremy ta na Aruba di vakantie pero cu a trece un proyecto positivo pa Aruba. Jeremy Croes a caba su bachelor in environments y science y despues a sigui cu Environment management riba e nivel di HBO pa asina sigui su universidad riba master of science in social and political sciences of the environment, righting corporate sustainability. Jeremy mes ta gusta naturaleza. Loke cu e inspira su persona pa haci e estudio aki ta temporada cu e tabata bay scol, un dia cu e klas a bay lama unda cu e por a nota cu tabata tin cobamento na e rif nan ta tumando luga unda cu ta destrui e naturaleza di un banda, pero tog nos tur ta biba di e naturaleza completamente. Tur esaki a



pone cu Jeremy a dicidi cu lo e bay studia medioambiente. Segun Jeremy loke ta importante den tur aspecto ta e leyman di medio ambiente y pa reinforsa nan tambe na unda cu tin A mester por haci B. Tambe jermey a trece un proyecto cu e la traha riba dje specialmente pa Aruba tanto pa local y turista por haci uso di dje. E proyecto ta un tas di plastic cu a wordo resicla door di boterman di plastic. E tas ta traha hopi special y hopi bunita cu por haci compras cu ne. Tambe e turista por uza e tas como un souvenir pa por cana cu ne rond na nan pais.

Loke cu ta hopi importante ta cu e tas por wordo lora y warda den e tas regular di e dama na pa bay haci com-

pras of pa bay compra panja. Tambe por laba e tas y e no ta di un material pisa. Segun Jeremy e tas ta wordo traha na china. E proyecto mes a dura mas cu un aña pa ta un realidad y actualmente tin un cantidad di tas cu lo yega Aruba pa por bende den tur e pacus di souvenir. Jeremy a haci e proyecto di e tas resicla specialmente disaña pa Aruba. Jeremy ta na altura cu Aruba ta trahando riba diferente parti di concientizacion riba medio ambiente y kier a aporta di e manera aki pa cuminsa concientiza ki balor nos naturaleza tin prinsipalmente si nos ta depende di turismo. Tambe por ta posibel cu e companianan cu kier traha mes un tas asina cu nan logo ta posibel.